

Lëk alɔŋ juëkjuëk ë riem:

Athör ë lëk kën ee wët teet yic rin ba kë cɔl yïin a juak guöp riem ɲic ku ɲic kë ba ɲöŋth. Jaamë kek akiëm du alɔŋ kë cɔl yïin a juak guöp riem (ku tekda bë yï juak guöp riem) ku det lɔn leŋ yen dhël bïn pial ka yï këc guak guöp riem.

Ye ɲö bë ɣɛen cɔl a juak guöp riem?

Tekda bë yï juak guöp riem tē:

- > kuëer yïn apɛy ka yï ret, dhiët wälä tē cïn yök rör ɲuëën.
- > thöök yïn guöp riem thit (riem aliir) ku a cïn döny dëd bë ya lac dhuök yï guöp ku liu kuat wäl dëd bï kony.
- > cï guäp du cak rëk bë ciën riem yam ye ben looi. Tekda ka mök ë yuɔm ku a cë cak wälä tekda ka dönykimo (chemotherapy) a cï yoom.

Ye kuat rim yïndä ye kɔc juak gup?

Rim ye juaar aa ye tēëk yïic arak juäac ku töu keek bæek wälä kajaac yïic. Keya, ka yïn a bë jal ya juak kuat riem wën liu yï guöp. Kuëet ë rim ka diëëŋ ye kɔc lac juak gup aa kïk:

- > Riem thit – yen ee riem dhie aliir tek guöp yic ebën.
- > Kɔlkɔl – yen ee riem dhie tëtök kɔl bë riem kōc kuër.
- > Dhiäkdhiäk – yen ee riem dhie ye kɔlkɔl rëer thïn (kä tëtök kɔl bë cï ben kuër) ku a leŋ kä kök rëer thïn cëmën miökdit (proteins) ku magëltuaany (antibodies).

Ye ɲö lëu bë wäac tē juëk raan guöp riem?

Yothralia aŋäär pinynhom alɔŋ gëlgël kãŋ wäac tē juëk raan guöp riem, bëyakëdãŋ, cëmën kuat döc, juëkjuëk ë riem ee dhiel laŋ tē thiin lëu bë wäac.

Käk röt lac wäac tē juëk raan guöp riem aa leŋ yïic:

- > Thëeth wälä akuŋ (akuök) thiin koor.
- > Kuëth ë piu, rëk bë raan duër pën wëi, apɛy guöp tē yen raan cë dhiɔp ku kɔc wënthëer rëer ke cë puöth cak.

Kä ce röt lac wäac tē juëk raan guöp riem aa leŋ yïic:

- > Juëkjuëk bï yï juak guöp riem wäac ke riem ku.
- > Muön ɲuëën bïn muön ke riem cï yï juak, cëmën kuat muön wälä rör ë yökÿök.
- > Juëkjuëk bï yï juak guöp riem leŋ yic tuaany, cëmën riem leŋ yic kãm.

Kɔc ë luɔy aa cë piöc apɛy mïk kɔc ya muk ɲhiim bë na leŋ raan muön ke riem cï ye juak guöp ka lɔckä dööt.

Ye kɔc juak gup riem kadä?

Rääl a ye dhiöm kōu ku jɔl riem ya dhiëm thïn amääch, ku ee ya rääl kök/ciin, ku kueny ayutöl alööt yic bë rot tek raan guöp.

Kajany tööŋ ë riem a lëu bë wäl raan guöp thäat ka 4 ku a lëu bë lac wuöl tē wïc yeen keya.

Kɔc lui panakim aa bï thiëc apath rin bïk yï deet tē miit kek yïin guöp riem thïn ɲɔcɔt ku benkä yï thiëc apath ba rot ben lueel tē cï kek thiök ke kaam bï kek yï juak guöp riem. Apath ba dhiel ceŋ alaŋ cë gät kōu riem ku, ku ye kɔc lëk riem ku ebën ku kööl ka dhiëët yïin tē thiëc yïin ba rot lueel. Kën a dhil looi keya rin bë yï cï juak guöp riem ka bë gãm rään dëd ce yïin (raan cï riem kun liäap). Jaamë tē leŋ yen kë ye tiŋ wäac tē thiëc kɔc panakim yïin bïk yï deet. Det apath lɔnadä ka wël alaŋ du (gut kit cï ke göt) aa rëer nyien den 100% yic.



Ba guäp dië yök yindä tē juək yēen riem?

A cīn kēn rot waar tēn kɔɔc juäc tē juək keek gup riem. Bëyakädän yēn leŋ yēn kɔɔc kɔk theeth, ku dɔm wiir keek wälä kuk keek tē juək keek gup riem. Käkä aa röt lac looi tē leŋ yēn tē cī raan muön amääh ke riem juək yēen. Käkä aa lëu bë ke dɔɔc wal ë kīim (rin bë theeth ye yic tek) wälä a lëu bë awur ë riem dhiim raan guöp tek yiic bë riem wat amääh.

Kɔɔc lui panakim aa bī muk nom kaam juək yīin guöp riem rin bë na leŋ kë wäac ka lɔckä tīŋ. Dhöl bī kek yī muk nom aa leŋ yiic ruenyrueny bī kek cāth ë riem rāal yic ya ruany, ku themkä awur ë riem räl ku yiic ku yekä atuny guäp du them kuat tē cī kek yuul. Na leŋ tē thiin yök ka wäac yī guöp, ka yī lëk akuonyakim ka cīn agäau.

Lëu ba jaai juëkjuëk ë riem?

Döc ee yīn kë du lɔc. Yīn a leŋ riel bīn jaai juëkjuëk ë riem, bëyakädän yēn peth yēn ba kë bë rot luöi yīin kaŋ deet ka yī këc gua jaai. Na leŋ kë cɔl yīin a jey juëkjuëk ë riem, manha ka yī lëk wēt akiēm du yemēn.

Kä ba thiëc akiēm du

- Ye nõ peth yēn bë ya juak guöp riem?
- Leŋ döny dëd lëu bë gām yēen ku päl juëkjuëk ë riem?
- Leŋ dhöl lëu bī yēn yök döc?
- Kuat kë dëd kä deet, kë diir yīin ku kë wīc bë teet yic.

Tē ret yīin dhël cē guir wēnthēer:

- Leŋ kë lëu ba looi rin bë riem kiē ke yiic juak röt ku cē yēen ben juak riem?
- Koor riem thit (riem aliir) ya guöp wēnthēer ku ye nõ lëu ba looi ba rim juak yiic?
- Lëu rot bë riem kiē miit ku dhuk keek ya guöp tē kuëer yēn apēy ret yic?

Kä path ba ke lëk akiēm du

Apath ba wēt lëk akiēm du tē ye yīn:

- Raan leŋ wēt jey yīn bë yī cī juak guöp riem.
- Raan cē kaŋ muön ke riem juək riem ku yiic.
- Raan leŋ kë ye wīc tē juək yīin guöp riem.
- Raan dëk wal riem liöör (cēmēn aspirin, warfarin, clopidogrel, apixaban, dabigatran, rivaroxaban), rin ye riem cē liöör wat apēy tē ret raan. Na ye raan la ret, ka yī thiëc akiēm du lɔn lëu yēn rot ba kɔɔc dëkdëk wal kä ka yī këc gua rät ku thiëc aya ye kaam yindä bīn kɔɔc dëkdëk ku jal yī rät. Muk yī nom manha, rin pial du, lɔnadä ka akiēm du rot yēn leŋ njëec bī yēn wēt kēn lueel rin tēkdä ka kɔɔc bīn kɔɔc dëkdëk wal kä yēn rac rëk bë kuër du ret yic cak nuëñ.
- Raan dëk kuat wal kɔk (gut wal ye wec) ku wal dhie ye yɔɔc path (ke këc akim gät raan) rin wal kɔk kam wal kä aa riem liöör aya.

Nö bë rot looi tē leŋ yēn dëd diir yēen alɔŋ juëkjuëk ë riem?

Na leŋ kë diir yīin, cɔkalɔn yīn ye yök ka ye kë thiin puɔl yic, ka path ba jam kek akiēm u, akuonyakim wälä gēm.

Na wīc lëk kɔk:

Na lɔŋ riel yīn kuen lɔkayukar ku a wīc ba wël kɔk njic alɔŋ juëkjuëk ë riem, ka tēkdä lɔkayukar kä aa bë piath ke yīin: www.mytransfusion.com.au

© Department for Health & Ageing, Government of South Australia. Amatnom ë Pialguöp ku Dhiööp, Akuma ë Yothralia Cēem. Raan leŋ kä keen kä a muk kä ke cök ebēn. BloodSafe TP-L3-813 v1.0 2016

*Akut ë Wut Kɔc Wëēt Alɔŋ Pialguöp, Pial Ku Diikëluɔy Pan SA (SQCAG).

Athör kēn a cī SQCAG* caath ku theny cök tēn kɔɔc bë ye kuen ku tēn kɔɔc ë wut Penbët 2016



This document has been reviewed and endorsed by SQCAG* for consumers and the community August 2016.



Government of South Australia

SA Health

BloodSafe

Athör cē guir tēn raan wīc döc aa tōu:
www.sahealth.sa.gov.au/bloodorgantissue